

Dickens & Madson (Kanada), Inc.
740 Notre Dame West, apartman 1250
Montreal, Quebec, Kanada H3C 3X6

6. Septembar 2025

KONSULTANTSKI UGOVOR

Ovim putem nas angažujete, a mi ovim putem pristajemo, kako je detaljnije navedeno u nastavku, da lobiramo kod izvršne i/ili zakonodavne vlasti Vlade Sjedinjenih Američkih Država, Ministarstva finansija Sjedinjenih Američkih Država i časnog sekretara za finansije, Scotta Bessenta, Kraljevine Saudijske Arabije, Ujedinjenih Arapskih Emirata, Evropske unije, Ujedinjenih nacija, Vijeća za regionalnu saradnju, kao i svih drugih država ili organizacija koje smatramo neophodnim, u koordinaciji s vama, a sve s ciljem osiguranja njihove političke podrške za konsolidaciju i jačanje političke pozicije Republike Srpske, na čijem je čelu predsjednik Milorad Dodik. **Nezavisnost Republike Srpske od Bosne i Hercegovine naš je krajnji cilj.** Također ćemo osigurati podršku Vlade Sjedinjenih Američkih Država za uklanjanje Christiana Schmidta s funkcije visokog predstavnika u Bosni i Hercegovini i osudu pristrasnih odluka tog predstavnika. Također ćemo postići poništavanje nelegitimnog poziva za izbore zakazane za 23. novembar 2025. godine.

Lobirat ćemo za ukidanje svih sankcija Ministarstva finansija Sjedinjenih Američkih Država (OFAC) i svih drugih sankcija, uključujući lične i porodične sankcije, sankcije koje se odnose na poslovne interese, saradnike te na svaku osobu ili entitet označen kao „ZNAČAJNI AKTERI KOJI DOPRINOSU FINANSIJSKOJ MREŽI DODIKA“, kao i one koji su sankcionisani kao „ORGANIZATORI DANA REPUBLIKE SRPSKE“. Lobirat ćemo kod Vlade Sjedinjenih Američkih Država da osudi i suprotstavi se pristrasnim odlukama institucija Bosne i Hercegovine protiv interesa srpskog naroda i njegovog legitimno i demokratski izabranog rukovodstva na čelu s predsjednikom Dodikom.

Organizovat ćemo sastanak za predsjednika Dodika s prijestolonasljednikom Saudijske Arabije u najkraćem mogućem roku. Također ćemo organizovati sastanak s predsjednikom Ujedinjenih Arapskih Emirata krajem septembra 2025. godine. Predsjednik Dodik će imati sastanke s visokim američkim zvaničnicima u Saudijskoj Arabiji, a potom i s predsjednikom Sjedinjenih Američkih Država.

1. Naše usluge lobiranja će se također sastojati od održavanja takvih kontakata s izvršnom i/ili zakonodavnom vlašću gore navedenih vlada i/ili vladinih tijela i agencija, koje ćete vi, u konsultaciji s nama, smatrati preporučljivim, s ciljem poticanja uspostavljanja i/ili održavanja zakonodavnih i/ili izvršnih politika povoljnih za vaše interese, kao i uklanjanja ili sprječavanja onih politika koje su nepovoljne za vaše interese.

2. Gore navedene usluge lobiranja bit će obavljene od strane nas isključivo i samo u onoj mjeri u kojoj su one međusobno dogovorene, te isključivo u mjeri u kojoj je to dozvoljeno zakonom, a naročito, ali bez ograničenja, samo u onoj mjeri u kojoj sve aktivnosti koje provodimo mogu biti i jesu u skladu sa svim važećim zakonima i propisima koji se odnose na lobiranje u ime stranog subjekta, uključujući obaveze registracije i objavljivanja podataka. Kao što vam je poznato, konsultantima nije dozvoljeno primati bilo kakva sredstva koja potiču iz državnih grantova koje mogu osigurati za svog klijenta.

3. Ostale usluge koje smo gore naveli će, u mjeri u kojoj su međusobno dogovorene, uključivati pomoć u obezbjeđivanju ključnog osoblja, obuku, opremu, tehničku pomoć i razvojnu podršku, prema potrebi. Također ćemo pružati pomoć u oblasti medijskih usluga i međunarodnih odnosa s javnošću.

4. Naknada (retainer) za ovaj konsultantski ugovor iznosi 2.000.000,00 američkih dolara (USD), plativa po potpisivanju ovog ugovora putem bankovnog transfera na sljedeći račun:

5. Svi uobičajeni vlastiti (džepni) troškovi bit će naša odgovornost; dok će plaćanje svih neuobičajenih vlastitih (džepnih) troškova biti regulisano prema međusobnom dogovoru.

6. U potpunosti ćemo vas redovno informisati o svim našim aktivnostima koje provodimo u vaše ime.

7. Razvit ćemo niz smjernica u okviru kojih ćemo imati diskreciono pravo da djelujemo u vaše ime, uvijek u skladu s vašim konkretnim uputama.

8. Uložiti ćemo razumne napore kako bismo osigurali povoljne zakonodavne i/ili izvršne politike, uključujući, bez ograničenja, konkretne stavke navedene u paragrafima 1 i 3 iznad. Međutim, svjesni ste da u ovim oblastima nije moguće garantovati bilo kakve konkretne rezultate. Kako bismo vam mogli efikasno služiti i zaštititi vaše interese, imajući u vidu navedeno, saglasni ste da s nama u potpunosti sarađujete, pružajući nam potrebne informacije u najkraćem mogućem roku.

9. Trajanje ovog ugovora iznosi dvije godine, uz mogućnost obnove na osnovu međusobnog dogovora.

10. Ovo pismo – ugovor predstavlja cjelokupno razumijevanje između nas.

11. Ovaj konsultantski ugovor i svi dokumenti koji se na njega odnose mogu biti potpisani i dostavljeni između potpisnika putem faksa ili elektronske pošte; takav faks ili e-mail smatrat će se, te koristiti u svakom pogledu, kao originalni dokument vlastoručno potpisan „mokrom“ tintom.

Ukoliko prethodno tačno odražava vaše razumijevanje našeg dogovora, molimo vas da to potvrdite potpisivanjem u nastavku. Ovo pismo će tada predstavljati obavezujući sporazum između nas.

Datirano na dan 6. septembra 2025. godine.
Potvrđeno i prihvaćeno:

Zaprimljeno od strane NSD/FARA Registracione jedinice 03.10.2025. u 18:38:45
Od strane:

Mladen Filipović, predstavnik

Potvrđeno i prihvaćeno:
Dickens & Madson (Kanada),

Ari Ben-Menasne,

ANEKS br. 2 UZ KONSULTANTSKI UGOVOR POTPISAN 6. SEPTEMBRA 2025. GODINE

Pored iznosa od 3.000.000,00 američkih dolara (USD) koji je već primljen, dodatnih 1.000.000,00 američkih dolara (USD) bit će uplaćeno putem bankovnog transfera na sljedeći račun:

Ovaj iznos će biti isplaćen u skladu s međusobnim dogovorom. Ovaj iznos je već odobrio predsjednik.

Ari Be-Menashe / Predsjednik

Mladen Filipović, predstavnik
